

Reglur fyrir stjórn Fræðslusjóðs Dalvíkurbyggðar

1. grein

Stjórn Fræðslusjóðs Dalvíkurbyggðar er kosin af bæjarstjórn Dalvíkurbyggðar til fjögurra ára í senn. Heimili sjóðsins er í Ráðhúsi Dalvíkurbyggðar.

2. grein

Höfuðstóll sjóðsins, kr. 1.304.465, er ávaxtaður í Sparisjóði Svarfdæla á hæstu mögulegum vöxtum. Stjórnin úthlutar námsstyrkjum úr sjóðnum skv. umsóknum og geta það árlega verið vextir af höfuðstóli sem aldrei verður þó skertur.

3. grein

Þeir sem eiga rétt á framlögum úr sjóðnum eru þeir fbúar sem eiga lögheimili í Dalvíkurbyggð og ekki eiga rétt á námsstyrk úr öðrum fræðslusjóðum.

4. grein

Stjórnin auglýsir eftir umsóknum í upphafi námsannar, að hausti og í upphafi árs. Jafnframt verða upplýsingar um sjóðinn á heimasiðu Dalvíkurbyggðar.

5. grein

Í umsókn skal koma fram lýsing á því námskeiði eða verkefni, sem styrkurinn skal renna til, áætlaður kostnaður, hvenær fyrirhugað er að sækja námskeiðið eða stunda verkefnið, sem styrkur er veittur út á og aðrar þær upplýsingar, er sjóðstjórn kann að telja nauðsynlegar.

6. grein

Eftir að stjórn sjóðsins hefur samþykkt námsstyrk skal greiðsla fara fram, enda hafi umsækjandi gert grein fyrir kostnaði með því að framvísa frumriti reiknings sem er númeraður og stimplaður og á sannanlega uppruna sinn hjá viðurkenndri fræðlustofnun. Reikningurinn skal merktur nafni og kennitölu umsækjanda.

7. grein

Þegar reikningar sjóðsins liggja fyrir mun stjórnin senda þá bæjarráði til upplýsingar og jafnframt skýrslu um starfsemi sjóðsins á liðnu starfsári.